

Powšitkowne WOZJEWJENJA

njedźelu, 12. junija 2011

ZBÓŽNOPRAJENJE

KAPŁANA ALOJSA ANDRICKEHO

SWJATKOWNU PÓNDŽELU, 13. JUNIJA, W DRJEŽDŽANACH

Zbóžnoprajenski swjedžen w Drježdžanach

Něhdže 8.000 ludži z tu- a wukraja wočakuje so na zbóžnoprajenje kapłana Alojisa Andrickeho swjat-kownu pónđzelu, 13. junija, w Drježdžanach. Połojcu z nich móhli katolscy Serbja wučinić. Mjez nimi budu nimo přiwuznych noweho zbóžneho tež sakski ministerski prezident Stanisław Tilich, kotryž před-njese na kemšach próstwu w serbskej rěči. Powšitkownje su wosady, skupiny a kruhi, kotrež maja wosebity zwisk k Alojsej Andrickemu, do wotběha Božeje mše zapřijeći. Nimo toho wustupi serbski projektny chór z něhdže 200 spěwarjemi.

Swjedženska Boža mša

Zbóžnoprajenska Boža mša zahaji so swjat-kownu pónđzelu, 13. junija, w 10.30 hodž. před hłownym zachodom Drježdžanskeje katedrale. Hižo poł hodžiny do toho budže wot 10.00 hodž. zhromadny duchowny přihot. Hłowny celebrant, prefekt watikanskeje kongregacije za swjato- a zbóžnoprajenja, kardinal Angelo Amato, na tutech kemšach zbóžnoprajenski dekret w nadawku bamža Benedikta XVI. přednjese. Z kardinalom wosweći 14 dalších biskopow a jedyn abt swjedžensku Božu mšu. Mjez koncebrantami je tež Radworski farar, kanonik Šćěpan Delan, kotryž modli so džěl wulkeho pačerja serbsce.

Wšěm wobdžělnikam wudžěli so programowy zešiwk. W nim su nimo wotběha a kěrlušow – tež serbskich – za Božu mšu a kónčny nyšpor tež pokiwy za mjezyprogram a plan z wažnymi městnami podate. Zešiwki so při zachodach do sektorow wudžěla.

Městna a chorhoje

Za Božu mšu wonka wutworja so wosebite sektory. Prědni sektor je za sobuskutkowacych, čestnych hosći, družki, zbrašenych, liturgiskich služownikow, měšnikow a rjadnikow postajeny. Kóždy je pře-prošeny, so na Božej mši wobdžělic.

Zbrašeni změja městno w přědnim džělu. Teksty přenjesu so tež do gestikulaciskeje rěče. Štóz njemóže tak dołho wonka stać, móže Božu mšu w katedrali z telewizijnym přenjesenjom na jara wulkej wobrazowce scěhować.

Towarstwa a wosady su pře-prošene, chorhoje a banery sobu přinjesć. Na procesionje k začahej Božeje mše pak so jenož zastupjerjo Kolpingoweje swójby a serbskich wosadow wobdžěla, kotřiž maja k tomu wosebite pře-prošenje. Wšě tamne chorhoje wostanu na swjedženišću.

Rjadowarjo

Rjadowarjow spóznaje kóždy na žołtym wuchowanskim lacu z wotpowědnym napisom. Jich postajenja maja so na kóždy pad wobkedžbować. Policija njemóže informacije k zarjadowanjam podawać.

Přijězd

W bliskosci katedrale móža busy pozastać a ludžom wustup z nich zmóžnić. Štóž z wosobowym awtom přijědže, dyrbi zjawne parkowanišća městna wužić. Tramwajki na tym dnju nimo katedrale njepojědu. Cyły areal Hrodoweho naměsta, Augustusoweho mosta a Dźiwadłoweho naměsta budže swjatkownu pónđzelu za zjawny a priwatny wobchad zaraćeny.

Mjezyprogram

Po Božej mši so na wšelakich stejnišćach wosady, towarstwa a hibanja na Hrodowym kaž tež na Dźiwadłowym naměšće předstaja. Programowe dypki ze Serbami su na jewišću na Hrodowym naměšće předwidžane. Nimo toho su wšelake zarjadowanja za džěci, młodžinu a dorosćenych přihotowane. Dokładniše informacije su w programowym zešiwku wozjewjene.

Zastaranje

Na mnohich městnach so jědže a napoje poskića. Přiwšěm ma so z tym ličić, zo syły ludži dla dołhe rynki nastanu. Tohodla je radžomne, sej něšto k jědži a piću sobu wzać. Wobkedźbować ma so, zo njeje na arealu, hdžež su kemše, žadyn chlódk. Tohodla měli wšitcy, wosebje při ćopłym wjedrje, dośc napojow sobu měć.

Nyšpor

Swjedzeń zbóžnoprajenja kapłana Alojsa Andrickeho w Drježdžanach zakónči so z nyšporom w katedrali. Tutón započnje so w 15.00 hodž. Jón wuhotuja mjez druhim chór Budyskeho serbskeho gymnazija a Drježdžanscy kapałnicy. Kapłan Alojs Andricki bě w swojim času prefekt tutoho katolskeho hólčeho chóra w sakskej stolicy.

W telewizy

Telewizijny sćelak MDR wusyła swjatkownu pónđzelu, 13. junija, w 10 hodž. přinošk k temje „Die Sorben – Ein Volk zwischen Widerstand und Anpassung“. Wot 10.30 do 12.00 hodž. přenjesu so originalnje zbóžnoprajenska Boža mša z Drježdžan.

Dalše informacije: www.posol.de

Džakny swjedzeń w Radworju

Zbóžnoprajenje kapłana Alojsa Andrickeho žada sej přidatny wosebity swjedzeń. Na tutym měli zhromadnje wróćo zhladować, wosebje pak so Bohu za zbóžnoprajenje džakować. Tohodla přewjedže so njedželu po zbóžnoprajenju, 19. junija, džakny swjedzeń serbskich wosadow w ródnej wsy kapłana Alojsa Andrickeho, w Radworju, z Drježdžansko-Mišnjanskim biskopom Joachimom Reineltom. W serbskich wosadach na tutym dnju žane določniše kemše njebudu, podobnje kaž hewak swjatki pónđzelu.

Hwězdne putnikowanje

Serbske wosady póndu poslednjeje něhdže dwaj kilometraj pěši w procesionach do Radworja. Wot Chasowa sem podatej so procesionaj Ralbičanskich a Njebjelčanskich wěriwych na puć, wot Čorneho Hodlerja póndu Chróšćanscy, Klóšterscy a Baćońscy, wot Chelna Wotrowscy, wot Boranec Budyscy a wot Bronja Kulowscy wěriwi. To woznamjenja tež, zo w mjenowanych wsach swoje jězdźidła wotstaja. Radwor je na tym dnju za wobchad a parkowanje zaraćeny. Přidatnje pojedže wot centralneho parkowanišća w Čornym Hodlerju přeco zaso bus, kotryž dowjeze do Radworja tych, kotřiž njemóža tak daleko běžeć. Zbrašeni móža so direktnje z awtom dowjezć dać.

Swjedzeń

Biskop Reinelt woswjeći w 10 hodž. Božu mšu pod hołym njebjom při južnej stronje farskeje cyrkwe. Kemše so z widejowej techniku do cyrkwe přenjesu, hdžež móža ći městno zabrać, kotrymž je to won-

ka přewobćežne. Na zahrodže zapadnje cyrkwyje budže dalša widejowa scěna za přenjesenje Božeje mše.

Po kemšach je mjezyprogram, Tutón je w přehledže deleka podaty. Putnikam wuda so flyer z kartu Radworja. Na njej su wšitke wažne městna zarysowane. Flyer předleži w serbskej a w němskej řeči. Džakny swjedženj wosadow skónči so w 15 hodž. z nyšporom zaso wonka při cyrkwi. Po tym nastaja so wěriwi zaso na wuchadžišća, z kotrychž su přišli. Na centralne parkowanišćo do Čorneho Hodlerja pojedu zaso busy.

Wotběh swjedženja w Radworju

- 10.00 hodž. **swjedženska Boža mša**
na łuce před cyrkwu
- 12.00 hodž. **kulturne programy serbskich wosadow**
při „Slawiji“ a při „Meji“
- 15.00 hodž. **swjatočny kónčny nyšpor**
na łuce před cyrkwu

Program na jewišću při „Slawiji“

- 12.00 hodž. pozawnisća z Hodžija
- 12.30 hodž. Chrósćicy – Dujerska kapala „Horjany“
Serbski folklorny ansambl Wudwor
Chróšćanski cyrkwinski chór
- 13.30 hodž. Radwor – Katolski džěćacy dom „Alojs Andricki“
- 13.40 hodž. Radworska zakładna šula „Dr. Marja Grólmusec“
- 14.00 hodž. Kulow – chór Bratrowstwa
džěćaca šola

Program na jewišću při „Meji“

- 12.00 hodž. Wulkodubrawscy muzikanća
- 12.30 hodž. Wotrow – cyrkwinski chór z młodžinu
- 13.00 hodž. zhromadny program skupiny „Sprjewjan“ a Smjerdžečanskeje
rejwanskeje skupiny
- 14.00 hodž. skawća z Pólskeje

Dalše kulturne a duchowne poskitki

- 13.00 – 14.00 hodž. **pišćelowy koncert** Tomaša Žura z Berlina w cyrkwi
- 12.00 – 14.45 hodž. **wustajeńca mólbow** dr. Achima Nawki a Šćěpana Deja
w „Słodeńku“; tu wobsteji móžnosć, sej **knihy a druhe
dopomnjenki**, na přikład swěčki a małe postawy kupić
- 12.00 – 14.45 hodž. **wustajeńca wo žiwjenju Alojsa Andrickeho w jeho ródnym
domje**, w foyeru a w sydarni džensnišeho gmejnskeho zarjada
- 12.00 – 14.45 hodž. **wodženje po Starej cyrkwičce**
- 12.00 – 14.45 hodž. **widejo „Andricki. Wuznaće“** předstaja so w „Swětliku“
- 12.00 – 14.45 hodž. **wodženje po šulskim muzeju**
- 12.00 – 14.45 hodž. **hrajkanišćo** na šulskim dworje (blisko šulskeho muzeja) za
mjeńše džěći přistupne; dohlad tam budže

Čělnje zastaranje wopytowarjow swjedženja je při „Slawiji“, při hosćencu „Meja“ a při farje.

Boža mša a nyšpor wusyłatej so **originalnje w interneće pod www.kaplan-andricki.de** (tam pod live-stream).

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podać. Budže to jubilejne 300. putnikowanje wěriwych z Warszawy do Częstochowy. Hić smě kóždy sobu, kotryž je 18. žiwjenske lěto docpěł. Termin putnikowanja je wot 5. do 15. awgusta. Zajimcy njech so přizjewja hač do njedzele, 26. junija, pola fararja Bena Jakubaša w Njebjelčicach, telefonowe čisło (0 35 78) 30 20 05.

„Via Regia woła“ na K-TV

Dziwadłowu hru „Via Regia woła“ wusyla priwatny telewizijny sćelak K-TV wjackróć. Přeni džěl přenese so nimale hodžinu hišće njedzelu, 12. junija, w 0.00 hodž.

Druhi džěl hry wusyla so

njedzelu, 12. junija, w 21 hodž.,
wutoru, 14. junija, we 18 hodž.,
srjedu, 15. junija, w 9 hodž.
štwórtk, 16. junija, w 22.30 hodž.,
pjatk, 17. junija, w 17 hodž. a
njedzelu, 19. junija, w 0.00 hodž.

Putnikowanje do Krupki

Na pěše putnikowanje do Krupki su młodostni ze wšěch wosadow přeprošeni. Procesion woteńdže njedzelu, 24. julija, z Chróścic a wróci so pjatk, 29. julija. Zajimcy měli so najpozdzišo hač do pjatka, 1. julija, w Chróścicach na farje přizjewić, telefonowe čisło (03 57 96) 8 04 00. Zhromadźizna putnikow je njedzelu, 3. julija, po nyšporje na Chróścanskej farje. Tutón termin je wažnych informacijow dla za wšitkich winowatostny. Štóž so přeni raz na putnikowanju wobdžěli, njesmě na žadyn pad pobrachować. Boža mša w Krupce budže srjedu, 27. julija, w 10.00 hodž.

Koparski turněr ministrantow

Ministranća ze wšitkich serbskich wosadow su na koparski turněr sobotu, 18. junija, do Pěskec přeprošeni. Začatk je w 9 hodž. z Božej mšu we wjesnej kapałce.

„Andricki. Wuznaće“ na DVD

Wumělstwowy film Wiesbadenskeje widejoweje wuměłče Sonje Toepfer „Andricki. Wuznaće“ předleži mjeztym na DVD. Tuta hodži so přez kniharnje skazać. Film je w nadawku Drježdžansko-Mišnjanskeho biskopstwa nastał. DVD, kotraž je w Lipšćanskim nakładnistwje swjateho Bena wušła, płaći 9,95 eurow.